



古文苑卷第八

歌曲

漢昭帝黃鵠歌

淋池歌

漢靈帝招商歌

漢武帝落葉哀蟬曲

詩

栢梁詩

諸葛亮梁父吟

李陵錄別詩八首

蘇武荅詩二首

孔融臨終詩

雜合作郡姓名字詩

六言詩三首

雜詩二首

四言詩五首

秦嘉述婚

王粲思親

曹植元會

閻丘冲三月三日

裴秀大蜡

王粲雜詩五言 四首

七哀詩

晉程曉嘲執客

黃鵠歌

漢昭帝

始元元年黃鵠下太液池上為歌曰

漢書昭帝始元元年

春二月黃鵠下建章宮太液池中公卿上壽按高相歌曰鴻鵠高飛一舉千里正謂黃鵠也羣

臣以為瑞故上壽稱賀黃鵠飛兮下建章羽肅

肅兮行蹌蹌金為衣兮菊為裳接喋荷荷

賦上林

喋菁藻咬所甲反喋直甲反

出入蒹葭

叶韻合作藏子虛賦其卑濕則生蒹葭

葭藏即音減

自顧非薄愧爾嘉祥

淋池歌

使宮人歌之

三輔黃圖昭帝始元元年穿淋池廣千步東引太液之水池中植分枝荷

一莖四葉狀如駢蓋每遊燕出入或剪以為衣或折以障日以為戲弄帝

時命水嬉以文梓為舡木蘭為施刻飛鸞翔鷁飾於舡首隨風輕漾畢景

忘歸按昭帝幼冲嗣位無逸之戒弱導承弼者無其人至忘無逸之戒弱

於流連遊戲之樂歌詞有雲光開曙之句蓋通夕徹曉也其意猶以為未

足卒損德性遽天

秋素景兮泛洪波揮纖手兮折芰荷涼風淒淒

揚棹歌雲光開曙月低河萬歲為樂豈云多

招商歌

漢靈帝

秋屬金於五音為商招商者迎秋音之至也晉王嘉拾遺記漢靈帝起裸游館于間渠水繞砌蓮大如蓋長一文其葉夜舒晝卷名夜舒荷宮人觀其荒淫若此欲不亡或時裸浴

涼風起兮日照渠青荷晝偃葉夜舒惟日不足

樂有餘清絲流管歌玉鳧之絲管琴瑟簫笛名千年

萬歲嘉難踰

落葉哀蟬曲

漢武帝

此曲必為李夫人作外戚傳云李夫人少而蚤卒上思念不已令方士齋人少翁夜致其神作詩令樂府諸音家絃歌之

羅袂兮無聲玉墀兮塵生虛房冷而寂寞落葉依於重局望彼美之女兮安得感余心之未寧

詩

栢梁詩

漢武帝元封三年作栢梁臺詔羣臣二千石有

能為七言詩乃得上座三輔黃圖栢梁臺武帝元鼎二年春起此臺在

長安城中北關內三輔舊事云香栢為梁也帝嘗置酒其上詔羣臣和詩能七言者乃得上與此所紀之年不同蓋栢梁建於元鼎二年登臺賦詩乃元封三年也

日月星辰和四時帝皇駟馬從梁來梁王孝王武

郡國士馬羽林材大司馬漢制郡國之兵有期門羽

林據百官表元狩四年衛青為大司馬去病為大司馬去病薨是

詩亦再賡二職邪總領天下誠難治丞相丞相石慶下同

和撫四夷不易哉大將軍刀筆之吏臣執之御

倪夫撞鍾伐鼓聲中詩太常宗室廣大日益

滋宗正周衛交戟禁不時衛尉總領從官

栢梁亭光祿勳平理請讞決嫌疑廷尉修飭輿

馬待駕來太僕郡國吏功差次之大鴻臚乘

輿御物主治之少府陳粟萬石揚呂箕大農張

成徽道宮下隨討治執金吾三輔盜賊天下危

左馮翊盛宣京兆尹左馮翊右扶風盜阻南

山為民災右扶風是時帝從事四夷天下駭

外家公主不可治京兆漢書寶嬰田紛傳上

嬰景帝從舅紛太后同母弟故言俱外家與文

公主皆恣橫不法是時嬰紛俱椒房率更領其

材詹事蠻夷朝賀常舍其典屬柱枅薄櫨相枝

持大匠枇杷橘栗桃李梅太官走狗逐兔張罟罝

令上林齧妃女唇甘如飴郭舍迫窘詰屈幾窮哉

羣臣各以其職詠一句無甚理致其間亦有敢

言隱然寓規儆之意者齊梁

古梁父吟舊注中都縣有田強古諸葛

亮

三國志諸葛亮躬耕隴畝好為梁父吟歐陽詢藝文類聚載此篇云蜀志諸葛亮梁父吟又云陳武別傳曰武學泰山梁父吟則其声調世傳之久矣梁父泰山傍小山丘墓所在

步出齊城門遙望蕩陰里里中有三墓累累正

相似問是誰家墓田強古冶子力能排南山文

一作能絕地紀一朝被讒言二桃殺三士晏子曰公

孫捷田開疆古冶子事景公勇而無禮晏子言

吾再拜隱虎功可以食田曰吾當濟河龜啣左驂

治潛行水底逆流百步從流九里得龜頭功可

以食二子曰吾勇不若子功不逮子取桃不謹

是貪也然而不死無勇也勿頸而死古頭而人贈賜如素絲

死之治獨不逮又勿頸而死古頭而人贈賜如素絲

表其潔白足可緇使之自裁皆因物寓意三士與

二桃猶言二可逃死不能免三子乃爭先就死

惜誰能為此謀國相齊晏子有殺士之名相乃

不載豈為賢者諱邪或曰曹操既殺孔融之楊脩

又送爾衡於荆州假手黃祖三子者天下之望

也武侯梁父吟殆為此設

眉山蘇氏曰劉子玄辨文選所載李

陵與蘇武書非西漢文蓋齊梁間文

士擬作者也吾因悟陵與蘇武贈答

錄別詩

有鳥西南飛謂陽鳥所熠熠似蒼鷹之疾朝發天

北隅暮聞日南陵北隅匈奴也南盛明之地欲

寄一言去託之牋綵繒因風附輕翼以遺心蘊

蒸蘊蒸猶鬱陶也鳥辭路悠長羽翼不能勝意

欲從鳥逝駑馬不可乘

爍爍三星列三星參也秋分奉奉月初生奉奉曲貌

寒涼應節至蟋蟀夜悲鳴晨風曉風動喬木枝

葉日夜零遊子暮思歸塞耳不能聽遠望正蕭

條百里無人聲豺狼鳴後園虎豹步客庭遠處

天一隅苦困獨零丁親人隨風散歷歷如流星

三華離不結蘋藻萍皆浮水而生根不思心獨

屏營願得萱草枝萱忘憂草也詩焉以解飢渴

情寂寂君子坐奕奕合衆芳猶言衆賢也離騷

羣芳諭温聲何穆穆因風動馨香清言振東序

良時著西庠初武兄弟並為郎後以中郎將使

人之右今羈旅異域無後羣賢盡簪之樂故

乃命絲竹音列席無高唱悲意何慷慨清歌正

激揚長哀發華屋四坐莫不傷

晨風鳴北林晨風鸛也陸機疏曰鸛似鷦青習

耀東南飛耀螢火也詩熠燿宵行晨飛之鳥

不得其宜以諭願言所相思日暮不垂帷明月

照高樓想見餘光輝玄鳥名燕也亦夜過庭髮髯

能復飛褰裳路踟躕彷徨不能歸浮雲日千里

安知我心悲思得瓊樹枝以解長渴飢淮南子崑崙山

有曾城九重上有珠樹玉樹

陟彼南山隅送子淇水陽爾行西南游我獨東

北翔轅馬顧悲鳴五步一彷徨雙鳧相背飛相

遠日已長雙鳧以比蘇李一體人遠望雲中路

想見來圭璋雲中近塞郡名萬里遙相思何益

心獨傷隨時愛景耀願言莫相忘

鍾子歌南音楚人鍾儀繫於晉晉侯與之琴操南音公曰樂操士風不忘舊也

釋左傳事仲尼歎歸與論語子在陳戎馬悲邊鳴

遊子戀故廬陽鳥歸飛雲蛟龍樂潛居言物之飛潛各

欲遂其性禹貢陽鳥攸居謂鴈也人生一世間貴與願同俱身

無四凶罪何為天一隅堯時四凶以與其苦筋

力必欲榮薄軀不如及清時策名於天衢易之

衢亨文選陵谷武書云策名清時榮問休暢言已不若武之全節而回身名俱榮

鳳凰鳴高岡有翼不好飛安知鳳凰德貴其來

見稀闕

紅塵蔽天地白日何冥冥闕

荅詩

蘇武

童童孤生柳寄根河水泥

童童獨立貌柳易衰之木又托根浮淺論

此身脆弱

連翩遊客子于冬服涼衣去家千里

餘一身常渴飢寒夜立清庭仰瞻天漢湄寒風

吹我骨嚴霜切我肌憂心常慘戚晨風為我悲

瑤光游何速

瑤光言光陰之可寶

行願支荷遲仰視雲間

星忽若割長帷

如發蒙蔽而有所睹

低頭還自憐盛年行

已衰依依戀明世愴愴難久懷

別李陵

雙鳧俱北飛一鳧獨南翔子當留斯館我當歸

故鄉一別如秦胡會見何詎央愴恨切中懷不

覺淚沾裳願子長努力言笑笑莫相忘

臨終詩

孔融

本傳融為太中大夫見曹操雄詐漸著頗書爭之多致乖忤又奏宜隼

王畿之制千里寰內不以封建諸侯操疑其所論建漸廣並憚之郝慮承

旨以微法免融又令路粹枉奏融下獄棄市眉山蘇氏云世之議公者皆

以臨難不懼談笑就死為雄為之贊曰我宗若人尚友千祀視公如龍視

操如

言多令事敗器漏苦不密

易曰君不密則失身機事

不密則害成

河潰蟻孔端山壞由猿穴

國言

豈至此方悟邪

能防微杜漸於不涓涓江漢流天窻通冥室

涓涓

小水能益江漢天窻容隙能通暗室也讒邪害公

言已之寸忠或能裨國事開人心也

正浮雲翳白日靡辭無忠誠華繁竟不實人有

兩三心安能合為一言不忠之人常懷二三人

成市虎市郝慮路粹相與構成已罪以虛為實

浸漬解膠漆膠漆猶本可解况相生存多所慮長

寢萬一作事畢長寢猶

離合作郡姓名字詩

漁父屈節水潛匿方離魚字與皆進止出行施張

無土不王離或字口好是正直女回于匡離字

海內有截隼逝鷹揚當離乙字恐古文與六

將奮羽儀未彰離鬲字蛇龍之蟄俾也可忘離虫字

融玫璇隱懼美玉韜光去玉成文無名無譽放

言深藏離與字按轡安行誰謂路長離才字合成

戲後人多傲之如眉山蘇氏離合硯蓋字云研

石妙漢上黨郡有

石研閔音刑

六言詩三首

文舉平時譏嘲慢侮曹操如待小兒

天子在許無異羈囚操弒伏后鳩二

皇子人神共憤此詩稱美不暇又率

直畧无含蓄必非其真本傳稱魏文

帝深好融文章者賞以金帛豈好事者假

上融文章者賞以金帛豈好事者假

此以說

漢家中葉道微董卓作亂乘衰僭上震下專威

萬官惶怖莫違百姓慘慘心悲漢靈帝崩董卓廢太子辯立獻

帝自為相國專權用事

郭李分爭為非遷都長安思歸瞻望關東可哀

夢想曹公歸來獻帝初平元年二月遷都長安卓發掘洛陽諸帝陵三年誅董卓

卓部曲將李催郭汜等反陷長安城崔汜爭權治兵相攻催迎帝幸其營燒宮殿言府

從洛光武改洛為雒東漢人不用水到許魏魏曹

公輔國無私減去厨膳甘肥羣僚率從祈祈雖

得俸祿常飢念我苦寒心悲建安元年揚奉韓暹奉車駕至雒陽

時宮室燒盡百官披荆棘依墻壁問州郡委輸不至羣僚乏食曹操在許謀迎天子乃將兵詣

雒陽引董昭問計遂遷都許

雜詩二首

巖巖鍾山首十洲記鍾山在北海之干地仙家種芝巖巖高峻貌鍾山之顛至北

極寒赫赫炎天路淮南天文訓天有九野去地之所

熾盛貌二句言世道炎涼之相絕高明曜雲門遠景灼寒素雲

謂門地穹崇上侵雲漢遠景猶餘光也昂昂累

世士結根在所固昂昂特貌累世猶閭世也

節在我者貞固不移呂望老匹夫苟為因世故望

為世俗炎涼所移呂望老匹夫苟為因世故望

年已八十釣於蟠溪值殷之末遂管仲小囚臣佐周興王因時就功所為亦苟矣

獨能建功祚

魯殺子糾管仲請囚卒相齊桓人九合諸侯同尊周室以立伯功

生有何常但患年歲暮幸託不肖軀且當猛虎

步

言羣雄肆毒時方多難

安能苦一身與世同舉厝由不

慎小節庸夫笑我度

文舉個儻向氣不拍小節不知者謂之志廣才踈

呂望尚不希夷齊何足慕

呂望貪功夷齊狗名二者皆非所志是時

曹操勢燄薰灼上下士大夫爭趨附之文舉獨立顏波中屹然砥柱壯哉

遠送新行客歲暮乃來歸入門望愛子妻妾向

人悲聞子不可見日已潛光輝孤墳在西北常

念君來遲寒裳上墟丘但見蒿與薇白骨歸黃

泉肌體成塵飛生時不識父死後知我誰孤冤

遊窮暮飄飄安所依人生圖享息爾死我念追

俛仰內傷心不覺淚沾衣人生自有命但恨生

日希

文舉遇害男女長幼凡四子操皆殺之此子歿於孩提史不載

四言詩五首

述婚

秦嘉

婚禮合二姓之好為人倫之端家道之本當謹其始

羣祥既集二族交歡敬茲新婚六禮不愆

六禮納采問名納吉納徵請期親迎

羔鴈總備玉帛

羔鴈王帛所以

將其禮易束帛

君子將事威儀孔閑猗兮容

兮穆矣其言

君子謂主婚及掌判者親迎婿之女家前五禮必有將其事者儀禮

國君用卿其紛彼婚姻禍福之由衛女與齊褒
次有介有賓齊威公始立衛姬為夫人伯業以興列女
妣滅周齊威公始立衛姬為夫人伯業以興列女
音幽王以褒妣為后卒致大戎戰戰兢兢懼德
之過詩赫赫宗周褒妣滅之

不仇神啓其吉果獲令攸我之愛矣荷天之休

男女各懼其德不足以相配則思自警救終受天佑

思親為潘文則作 王粲

勢虞文章流別云王粲所與蔡子篤及文叔良士孫文始陽德祖詩及所為潘文則作思親詩其文當而整皆近乎雅矣贈揚脩詩今亡三贈詩入選

穆穆顯妣德音徽止思齊先姑志侔姜似躬此

勞瘁鞠予小子詩思齊大任文王之母大妣嗣

文則自稱其母有和順之德能承先小子之生

遭世罔寧烈考勤時從之于征奮邁不造殷憂

是嬰烈考自稱其父也遭時亂離必征役于外

家不造孀咨予靡及退守祧枋五服荒離四國

分爭禍難斯逼救死於頸已嗟痛弗及期婦守

彌成五服詩治此四國皆言天下之廣嗟我懷

歸弗克弗逞聖善獨勞莫慰其情春秋代逝于

茲九齡聖善謂母也詩母氏聖善緬彼行路焉

託予誠予誠既否委之于天庶我剛妣克保遐

年豐豐惟懼心乎如懸天道途莫寄人子之情惟天佑之庶俾強健之母

克享其壽此心如何不吊早世徂顛於存弗養常懸搖不安

於後弗臨遺愆在體慘痛切心形景尸立竟爽

飛沉詩不吊吳天鄭氏箋猶不善也言不為天所佑早世傾逝子生不能養死不獲臨哀

痛罔在昔蓼莪哀有餘音我之此譬憂其獨深

小雅蓼莪之作孝子不得終養也胡寧視息以

濟于今巖巖藪險則不可摧何能存此餘生以至今日險難叢集

摧可仰瞻歸雲俯聆颺回飛馬靡翼超馬靡階

觸目傷懷思若流波情似坻頽詩之作矣情以

告哀

元會

曹植

晉禮志漢儀有正會禮正旦受賀公侯以下執贄未庭二千石以上升殿稱歲後作樂宴饗魏帝都鄴正會文昌殿用漢儀此詩止述宴饗之禮

初歲元祚吉日惟良乃為嘉會宴此高堂衣裳

鮮潔黼黻玄黃珍膳雜遯充溢圓方黼黻貴者之服玄黃

賤者之服圓俯視文軒仰瞻華梁願保茲善千

載為常與歡宴必思有以保之然後能長世享

此歡笑盡娛樂哉未央皇室榮貴壽考無疆樂

有度存不盡之意則朝廷尊榮享國長久

三月三日應詔

閻丘冲

續齊詩記晉武帝問三日曲水其義何指束哲對曰昔周公卜城洛邑因

流水以汎酒故逸詩曰羽觴隨波又秦昭王三月上巳置酒河曲乃因其

地立為曲水二漢相沿皆為盛集晉世多於是日幸華林園賜宴仍命羣

詩臣賦

暮春之月春服既成論語暮春者春服既成浴乎沂風乎舞雩升陽

潤土冰渙川盈詩溱與洧方渙渙兮餘萌達壤

嘉木敷榮后皇宣遊既讌且寧光光華輦洗洗

從臣微風扇穢朝露翳塵上蔭丹幄下籍文茵

臨池挹盥濯故潔新俯鏡清流仰睇天津藹藹

華林巖巖景陽陸翹鄴中記華林園中千金殿池通御溝梁簡文帝三日曲水

詩序晉集華林園中而業業峻宇奕奕飛梁

垂蔭倒景若翔若翔棟宇高峻日月反在下故云倒景

浩浩白水汎汎龍舟皇在靈沼日辟同遊擊擢

清歌鼓柷行謳聞樂咸和具醉斯柔言人心悅順君臣有

禮在昔帝虞德被遐荒干戚在庭苗人來王書

千羽于兩階七旬有苗格今我哲后古聖齊芳惠此中國以

綏四方詩大雅元首既明股肱惟良樂只君子

今日惟康書元首明哉股肱良哉庶事康哉

大蜡

裴秀

字季彥河東聞喜人晉書有傳

禮記郊特天子大蜡八蜡也者索也歲十二月合聚萬物而索饗之也八

謹民以記四方年不順成八蜡不通所以
也移民

日躔星紀大呂司辰立象改次度衆更新季月冬

日在婺女律中大呂星紀牛女之歲事告成八

蜡報勤報禮記注所祭有八神告成伊何年豐

物阜豐禋孝祀介茲景福謂豐禋謂祭八神孝祀

蜡臘先報勤伊何農功是歸穆穆我后矜茲蒸

黎飲饗清祀四方來綏報農功終歲之勤故以

蜡臘畢舉充物郊甸鱗集京師交蜡貿遷紛葩

相追摻袂成幕連枉成帷有肉如丘有酒如泉

有肴如林有貨如山通四方之物貨使之交易

息已注收謂率土同懽和氣來臻朔風叶順降

祉自天方隅清謚嘉祚日延與人優游享壽萬

年天時協序民物阜

雜詩四首 王粲

其一

吉日簡清時從君出西園方軌策良馬粲辟丞

與世子平臨菑侯並驅厲中原北臨清漳水西

看栢楊山清漳水名出上黨鄴郡有臨漳縣栢

歎逝者回翔遊廣囿逍遙波水間

其二

列車息衆駕相伴綠水湄幽蘭吐芳烈芙蓉發
紅暉百鳥何續翻振翼羣相追投網引潛魚強
弩下高飛白日已西邁歡樂忽忘歸動植飛潛各遂其性
無非天地生生之意人乃以好殺為樂而不知止亦不仁矣

其三

聯翻飛鸞鳥獨遊無所因惡人成羣賢者欲出而不可毛羽
照野草哀鳴入層雲名譽已著而高舉遠引哀鳴者非其本心也我
尚假羽翼飛覩爾形身願乃春陽會交頸遘殷
勤言賢者知時遠引已欲從之游也陽春會謂俟時之秦

其四

鷲鳥化為鳩遠竄江漢邊遭遇風雲會託身鸞
鳳間鷲鳥比貧毒小人鸞鳳比君天姿既不戾
受性又不閑邂逅見逼迫俛仰不得言言小人之羣能化其形而不能革其心也

七哀詩

蔡集七哀詩六首其二詩入選

邊城使心悲昔吾親更之冰雪截肌膚風飄無
止期百里不見人草木誰當遲遲與治同皆平聲謂芟除之也
登城望亭隧翩翩飛戍旗行者不顧反出門與

家辭子弟多俘虜哭泣無已時征役死亡者不復反子弟在家

者又為俘囚天下盡樂土何為久留茲蓼蟲不

知辛去來勿與謔蓼辛草虫生其中習其氣味

怪詩予又集于蓼

嘲熱客

程曉晉人唐藝文志有程曉集二卷

平生三伏時漢時東方朔傳伏日也按晉家以六月節至立

秋後三庚日為三伏自秦始言陰氣將起金畏於火故至庚日必伏庚金也道里無

行車閉門避暑臥出入不相過只今襍襪子耐音

戴言不爽語也類說集韻襍襪不曉事之名觸熱到人家主人聞客

來嘖感柰此何謂當起行去安坐正咨嗟所說

無一急啗啗吟何多遙扇髀中疾振搖流汗正

滂沱莫謂為小事亦是一大瑕傳戒諸高明執

行宜見呵世說曰郗嘉賓三伏之日詣謝公談暑熏赫雖復當風交扇猶沾汗流離

謝着數綰衣食熱白粥晏然無異與此詩嘲諷之意殊矣

古文苑卷第九

齊梁詩四十五篇

添入一首
阻雪連句合成一首

王融侍遊方山應詔

遊仙詩五首

奉和南海王詠秋胡妻七首

棲玄寺聽講畢遊邸園

別蕭諮議四首

任昉 王延
宗史 融

蕭諮議衍荅

蕭記室琛應教

王融和王友德元古意二首

錢謝文學 六首

沈約

虞炎

范雲

謝文學答

王融寒晚敬和何徵君點

別王丞僧孺

范雲學古貽王中書

王融雜體報范通直

沈右率座賦三物為詠

三首

謝眺

王融

王融奉和月下

秋夜長

四色詠

兩頭纖纖

代徐 二首

詠梧桐

王融池上梨花

劉繪和

阻雪連句遙贈和 王融

江革

唐人木蘭詩 附

侍遊方山應詔

王融

字元長琅邪臨沂人

輿地志湖熟西北有方山山頂正方上有池水按齊書武帝嘗幸方山顧左右欲經始山南為離宮以徐孝嗣之對而止應詔奉君命作也

巡躅望登年帳飲臨秋縣

言巡躅幸之轍跡也

出所望年豐也漢書高祖過沛帳飲三日王制天子之縣內畿邑也

日羽鏡霜淥

家語赤羽若日雲旗落風甸

王制千里之內

雲連亘四瀛良在目八寓婉如見盛言山海之高
者遠孟子登太山小臣竊自嘉預奉栢梁讌武帝栢
而小天下羣臣詔令和詩見前注

遊仙詩 五首

遊仙者謂輕身遠舉超出人間詩融
羣仙遨遊也晉宋間人多作此詩融
集云應教按史齊武帝時竟陵王子
良為護軍將軍無司徒領兵置佐鎮
西州才雋之士皆遊集其門融與范
雲蕭琛任昉蕭衍謝朓沈約陸倕並
以文學尤見親待號曰八友
應教蓋奉子良之命而作

桃李不奢年桑榆多暮節桃李諭盛年常恐秋

蓬根連翩因風雪習道遍槐岷追仙度瑤碣槐岷

瑶界仙家綠帙啓真詞丹經流妙說綠帙丹經長

河且已榮榮者草木之榮華曾山方可礪曾山與

漢書泰山若礪

獻歲和風起獻歲始歲元日也日出東南隅

鳳歔亂煙道龍駕溢雲區楚詞龍駕兮帝服又

孔蓋兮結賞自負嶠移讌乃方壺負嶠方壺海

居其上金卮浮水翠玉竿挹泉珠徒用一作霜露

改終然天地俱

命駕瑤池隈西王母宴周穆過息羸女臺秦穆

弄玉能吹簫作鳳吟常居長袖何靡靡簫管清

臺上後乘鸞仙去羸秦姓

且哀璧門涼月舉珠殿秋風迴璧門所居神清

鳥鶯高羽王母停玉盃青鳥西王母之使青鸞來迎王母停盃以待之

舉手暫為別王子喬乘白鶴於緱氏山頭舉手謝時人而去千年將復

來搜神記有鶴書遼東城門華表柱曰丁令威去家千歲今來歸

湘沅有蘭芷泊吾欲南征湘沅二水名皆在江

有芷兮豐有遺珮長出浦楚詞遺吾珮兮豐浦韓詩外傳鄭交甫遵

彼漢皋遇二女珮珠舉袂望增城崑崙山有閼風增城皆神

仙所朱霞拂綺樹白雲照金楹五芝多秀色五芝也本草芝生於五岳各如其方之色言仙境五色芝並秀

八桂常冬榮東楚詞麗桂樹之冬榮弭節且夷與參差聞鳳

笙與平声夷與猶徜徉也鳳笙王子喬事

命駕隨所即燭龍導輕驪燭龍駕日之神言仙導之引沙澤振寒草弱水駕冰潮

冰潮沙澤流沙也西自飄飄子遊黃臺之丘鶯於革澤日中大寒北

忽與若人遇融集作若士神仙傳盧敖見風雨

長舉入雲霄羅繹徒有睨九垓之外鸞明已寥

寥鸞明似鳳南方神雀揚子鸞明冲天言仙舉者如神禽之運寥廓非世網所可羈絆

奉和南海王殿下詠秋胡妻罕齊武帝

也子

也子

也子

也子

也子

也子

也子

魯秋胡子納妻五日而去官於陳五年乃歸未至其家見路傍有美婦人方採桑秋胡子悅之下車謂曰力田不如逢少年小桑不如見公卿吾有金願以贈夫人婦人曰噫妾採桑奉二親不願受人之金秋胡子遂去至家奉金遺母婦晚而至乃向來採桑者婦曰子辭親往仕五年乃還而悅路傍之婦人解子裝金以與之而忘其母也妾不忍見不孝之人遂去走投於河而死

日月共為照相喻夫婦之道松筠俱以貞義婦人之

而佩紛甘自遠佩左紛悅右箴管之屬詩結鏡

待君明結鏡嫁時裝具且協金蘭好易二人同

金同心之言方愉琴瑟情詩妻子好合佳人猶

忽千里幽閨積思生

其一

景落中軒坐悠悠望城闕高樹升夕煙層樓滿
初月光陰非或異川山屢難越輟泣揜鉛姿搔
首亂雲髮詩自伯之東

其二

傾鬼屬徂火傾鬼殘月也徂火暑將退搖念待

方秋涼氣承宇結明熠燿堦流明熠燿也詩三

星亦虛暎三星參也婚姻之四屋慘多愁四屋

壁思君如萱草一見乃忘憂

其三

杼柚鬱不諧契闊彌新故

詩一死生契闊周朔風攔

上發寒鳥林間度客遠乏衣裘歲安饒霜露參

差與別緒依遲起離慕

其四

願言如可信行邁亦云反睇景不告勞瞻途寧

遽遠何以淹歸轍蠶妾事春晚送目亂前華馳

心迷舊婉

言秋胡眩惑顏色此心已馳不省其妻舊時婉變之容

其五

椒珮容有結振芳跂路隅黃金徒以賦白珪終

不渝

婦節堅貞如白珪之不可變

明心良自皎安用久踈踈

口踈踈

遄車及粉巷流日下西虞

日沒之地謂之虞淵粉巷思巷也植粉榆

以為表言婦至里巷日已西墜

其六

坡惟惕有忘出門遲所欲

遲去声侍也言待其妻之婦

彼美

後來儀慙顏變欣矚蘭艾隔芳臭涇渭分清濁

蘭香草艾白蒿也楚詞戶服艾以盈要兮謂幽蘭其不可佩涇水濁渭水清詩涇以渭濁薰蕕

以論胡妻不願與胡同居去去夫人子請殉川

之曲人去去舍去之也胡錯父曰吾去公婦矣夫

殉曰

其七

舊本止六首今據融集添入足之

栖玄寺聽講畢遊邸園

齊史竟陵王子良篤好釋氏招致名僧講論佛法道俗之盛江左未有故其寮佐俱往僧寺聽講子良開西邸以招文學邸中有園

道勝業茲遠心閑地能隙桂崦鬱初裁蘭墀坦

將闢虛檐對長嶼高軒臨廣液液池也芳草列成

行嘉樹紛如積流風轉還逕還音旋謂回旋之徑清煙泛

喬石日泊山照紅松映水華碧暢哉人外賞遲

遲眷西夕

別蕭諮議行

梁書武帝諱衍字叔達南蘭陵中郎里人姓蕭氏初仕齊累遷隨王鎮西諮議參軍隨王名子隆齊武帝子安鎮州行赴鎮時同列以詩送別今觀賓主倡訓皆流連惜別無激昂為國之志足見江表士夫宴安江沱氣象

任殿中昉

南史任昉字彥升樂安博昌人時為殿中郎

離燭有窮燭別念無終緒岐言未及申離日已

先舉揆景仄衡阿景日也言計日至臨風長楸

浦地名浮雲難嗣音徘徊悵誰與儻有關外驛

聊訪狎鷗渚邊鎮有閑退後有驛使至關外可名當求閑退後有驛使至關外可

訪諸鷗鷺之羣狎鷗見列子

王延

霏雲承永夜皓燭鴛離軒執酒愴誰與舉袖默

何言忍茲君為別如此歲方暄年深北岫時鳥

思南國園南國指帝都金陵也江上愁別日階下樹芳蓀

宗記室史

別酒正參差乖情將陸離悵馬臨桂苑憫默瞻

華池桂苑華池皆游樂之地輕雲流惠采時雨

亂清漪眇眇追蘭逕悠悠結芳枝眷言終託何

心寄方在斯

王中書融齊書融少而警慧博涉有文才舉秀才尋遷中書郎

徘徊將所愛惜別在河梁謂携寵愛之姬妾李陵別蘇武詩携手上

暮河梁游子暮何之衿袖三處隔諮議與諸賢別及姻侍

處江山千里長寸心無遠近邊地有風霜齊與元魏

為敵國故荆州為邊地勉哉勤歲暮敬矣事容光山川殊

未憚杜若空為芳言山川悠遠離思方結非遺以香草能悅憚其情楚詞芳

洲芳杜若將以遺兮下女注采香草以遺其下之侍女

蕭諮議行荅

問我去何節光風正悠悠蘭華時未晏舉袂徒

離憂緩客承別酒鳴琴和好仇前詩謂將所愛者詩窈窕淑女

好君子仇清宵一已曙藐爾泛長洲言天色才曉眷即解舟前邁

言無歇緒深情附還流

還音旋旋流回潮也自金陵西上潮至彭浪磯

回而

蕭記室琛前夜以醉垂例今晝由醒敬

應教

琛在八雋八友之數即夕被酒無詩此篇續寄應教蓋隨王子隆促

落日總行轡薄別在江干遊客無淹期長洲有

急瀾

言朝至即解纜

分手信云易相思誠獨難之子兩

特達伊余日盤桓詠此式微歲共賞階前蘭

詩式

微式微胡不歸又采薇詩曰歸曰歸歲亦陽止言當早歸共賞芳時

和王友德元古意二首

舊注沈右率等並和數十人

多不載齊書德元王晏之子也有意尚至車騎長史忠臣不忘其君猶貞

婦之思念其良人騷雅比興皆然二詩蓋擬古遺意

遊禽暮知反行人獨未歸坐銷芳草氣空度明

月暉頰容入朝鏡思淚點春衣巫山采雲合淇

上綠條稀

宋玉所賦高唐巫山之雲衛詩送我乎淇之上矣皆合之不

以正者

君竟不至秋鴈覆覆飛

睹物感時

霜氣下盟津秋風度函谷

盟津一曰孟津在河北函谷關在弘農縣

一處行人往來之衝也

念君淒已寒當軒卷羅縠織手廢

裁縫曲鬢罷膏沐

詩余髮曲局豈無膏沐誰適為容

千里不相

聞寸心鬱紛蘊

平聲

况復飛螢夜木葉亂紛紛

小諭

人乘間以亂政

餞謝文學離夜

齊書謝眺字元暉陳郡夏陽人少好學文章清麗為隨王鎮西功曹轉文學隨王子隆在荆州好詞賦數集僚友眺以文才尤被賞愛盖眺自京趨

荆州時同朝諸賢以詩餞別也後至吏部郎

漢池水如帶巫山雲似盖

左傳楚國漢水以為池漢書黃河如帶巫

山高唐之雲宋玉嘗賦之魏志澗汨背吳潮潺

大帝生時有雲青色園如車盖

澗橫楚瀨荆言舟行自吳入楚一望沮漳水寧思

江海會

章水在南郡當陽縣與沮水合流屬荆

也可期以我徑寸心從君千里外

虞駕部

謝宣城集附載餞別詩共七首此詩云虞別駕炎又有和竟陵王望雷居六精舍及詠簾詩皆炎作也

差池鷺始飛羃歷草初輝

詩燕燕于飛差池其羽羃歷稠密覆地也

春日照映百草生輝離人悵東顧遊子愴西歸

清潮已駕渚溽露復沾衣一乖當春聚方掩故

園扉

范通直雲

南史范雲字彥龍南郡武陵陰人有仕具善屬文通直盖倡和時職銜後仕

梁官至尚書右僕射領吏部

陽臺霧初解

雲陽之臺宋玉賦朝暮暮陽臺之下

夢渚水裁淥

雲夢澤之洲渚左傳楚子田于江南之夢

遠山隱且見平沙斷還續

分絃饒苦音別唱多悽曲爾拂後車塵

謂參陪副車之

人當蒙振拔脫去塵埃

我事東臯粟

已當納祿求閑從事農畝陶淵明詩種苗

在東臯

王中書融

所知共歌笑

論語舉尔所知謂共相孚之人也

誰忍別笑歌離

軒思黃鳥

綿蠻詩曰綿蠻黃鳥止于丘阿道之云遠我勞如何言行役之勞思若黃

鳥之得所止

分渚菱

音愛菱葑草盛也

青莎翻情結遠旆灑

淚與行波春江夜明月還望情如何

蕭記室琛

執手無還顧別渚有西東荆吳眇何際煙波千

里通春筍方解籜弱柳向低風相思將安寄悵

望南飛鴻

荆州在金陵西北望南飛鴻俟音書之至

劉中書繪

齊書繪字士章永明末京邑人士盛為文章談義繪為後進領袖

汀洲千里芳朝雲萬里色悠悠在天隅之子去

安極春潭無與窺秋臺誰共陟不見一佳人徒

望西飛翼

欲寄音書

謝文學答

眺長五言沈約嘗云
二百年來無此詩也

春夜別清樽江潭復為客歎息東流水如何故
鄉陌重樹始芬蓋芳洲轉如積望望荆臺下歸
夢相思夕荆臺楚人遊觀之所家語楚
上將遊荆臺司城子棋諫

寒晚敬和何徵君點 王中書融

齊書何點字子哲少不仕宋世徵為
太子洗馬不就隱居東離門齊高帝
受禪褚淵王儉為宰相點謂人曰我
作齊書已竟贊云淵既世族儉亦國
華不賴舅氏違郵外家永
明元年徵中書郎終不屈

踈酌候冬序閑琴改秋律如何將暮天復值西

歸日搖落迎軒牖陶淵明歸去來
辭僮僕歡迎飛鳴亂繩草

飛鳴猿鶴之屬繩草謂
以繩為樞編竹為門也煙灌共深陰灌字亦作
慣木叢生

也風篁兩簫瑟虛堂無笑語懷君首如疾詩甘
心首

疾早輕北山賦周彥綸隱於鍾山後應
詔出為
海鹽縣令欲過北山孔稚圭假

山靈之意作北山移
文點早年已輕之晚愛東臯逸晚景以農事
自適阮籍奏

記云將耕
東臯之陽上德可潤身老子上德不德
禮記德潤身下澤有

徐轡叶韻入声必後漢書馬少游乘下
澤車御歎段馬注下澤之車短轆

別王丞僧孺

南史王僧孺東海剡人也仕齊為晉
安郡丞遷尚書左丞兼御史中丞工

詩於

首夏實清和餘春滿郊甸花樹雜為錦月池皎
如練如何如此時別離言與面百一本留雜已
鬱紆留雜別時相遺送物行舟亦遙行非君不
見思所悲思不見

學古貽王中書

范通直雲

學古猶擬古也雲字彦龍武興人仕齊為通直郎按文選已收此篇諸家

注甚詳緝者欲收王融報章故并錄此篇以見贈答往來之意

攝官青璫闥

省中門畫為青璫文故謂之青璫闥雲為通直郎得出入省闥故云

攝官攝謙辭

遙望鳳凰池

晉中興書曰荀勗從

賀之乃羨恚曰奪我鳳凰池諸人何賀我邪融時為中書監

誰言相去遠脉

脉阻光儀

相去雖遠岱山饒靈異沂水富英奇

齊書王融琅琊臨沂人岱山泰岳也屬琅琊郡境山川孕秀故產俊傑

獨翻凌北

海翻飛出南皮

舊注皆云徐幹居北海吳質游南皮言融之後材軼氣超邁徐

吳二子

遭逢聖明后來棲桐樹枝竹花何莫莫

桐葉何離離

鄭氏詩箋鳳凰非梧桐不棲非竹實不食以喻賢者不苟就也

栖復可食此外亦何為

位高祿厚尚復豈如鷦

鷦者一粒有餘貲

舊注謂雲以鷦鷯自况愚按莊子鷦鷯巢林不過一枝張

華賦申其意曰每食不過數粒蓋喻隱逸知足之士也雲與融同列恐不得以此自况

雜體報范通直

王中書融

齊書王融祖僧達中書令魯高並台輔融自恃門第三世相望為公輔直

中書省夜嘆曰鄧禹笑人彦龍貽詩
蓋示規儆融嗜進欲速當齊武帝疾
篤謀立竟陵王子良
不克於獄中賜死

和璧荆山下隨珠漢水濱秦史記趙王得和氏璧

壁蓋卞和得於荆山之下者搜神記隨侯大

漢中國國姬姓諸侯也希世之珍以無覆自昔代

有美人為隣古語云以賢俊自負且其生同時三

楚多秀士江上復才人史記注孟康曰舊名江

城為西楚南郡屬荆州居緯綃非善賈聖德可

名臣左思吳都賦泉室潛藏而卷綃張華博物

言才亦非善賈待時者論語求善賈而沽諸惟

遇聖德之名於世則追飛且學步譙詞以谷獨共子

奉清塵故曰清塵紫庭風日好青槐枝葉新帝

之居象北極紫微宮故曰馬徘徊吹樓側麗譙欲

見心所親龍指彦樹君蘭蕙草何用以書紳嶺未

義融集之作徵身當佩服不待書紳

沈右率座賦三物為詠

幔帷幕之類拾遺記周謝文學眺

幸得與君眺集綴綵歷君之楹月映不辭卷風

來輒自輕每聚金鑪氣時駐玉琴聲但願置樽

酒蘭釭當夜明

琵琶

釋名琵琶本起于胡中馬上所鼓

王中書融

抱月如可明

琵琶之形似月

懷風殊復清
絲中傳意緒

花裏寄春情
掩抑有奇態
悽鏘多好聲
芳袖幸

時拂龍門空
自生

枚乘七發龍門之桐其根半死半生詩言桐生龍門不若

裁為樂器得親佳人

箏

隋書音樂志箏長尺四寸八孔蘇成公所作也

沈右軍約

江南簫管地
妙響發孫枝

丹陽記江寧南有慈姥山積石臨江生簫管竹俗呼為鼓吹山詩言江南之地產竹多良可為樂器孫枝又其特異者也周禮孫竹之管

鄭玄注孫竹竹枝根之末生也殷勤寄玉指
含情舉復垂
雕梁

再三繞輕塵
四五移

漢初虞公善歌聲動梁塵楚莊有鳴琴曰繞梁言其

簫聲之嘹亮也曲中有深意
丹心君詎知

奉和月下

雕雲度綺錢

雕雲猶彩雲綺錢璧帶也西都賦金缸銜璧是為別錢注謂璧中之

橫帶也行香風入珠網

乙綱之帳絡以隨珠和璧

獨知此夜月
依遲慕神賞

此詩當是和人直密禁省中所作

奉和秋夜長

秋夜長夜長
樂未央

詩夜夜未央何舞袖拂花燭歌

聲繞鳳梁

列子韓娥過雍門鬻歌假食既去餘響繞梁三日不絕

四色詠

此體盛於齊梁間范雲有擬古四色詩云丹如桓公廟青如夕郎門黑如

角巖嘯白如來山後徒取其色意義頗短與此詩相類又有分為四首四

句詠色者

赤如城霞起

孫綽遊天台賦赤城霞起以標建

皆赤霞青如松霧徹

東方木於色為青玉策記云千歲松柏望如偃蓋其

中有物如黑如幽都雲

堯典辨方曰幽都北方

曰幽都之門九

極之雲是雨天下白如瑤池雪與西王母宴于

瑤池遊黃臺之

奉和纖纖

古兩頭纖纖詩兩頭纖纖月初生半白半黑眼中精

磊落落

兩頭纖纖綺上紋半白半黑鴻翔羣

孔叢子鳥

飛者謂之燕

鳥白也 臍臍膊膊烏迷曛磊磊落落玉石

分老子云不欲碌碌

奉和代徐

二首

魏徐幹室思詩曰流水何有窮已時

開徐不知思君如流水何有窮已時

孝武擬室思詩曰自君之出矣金翠

間無精思君如日月迴還晝夜生詩

自君之出矣芳蕓絕瑤卮

蕓音叙廣韵酌美酒

自君之出矣金爐香不然思君如明燭中宵空

自煎莊子膏火自煎也

詠梧桐

鴛鳳影層枝桐非梧輕虹鏡展綠影映過日出虹

形容物豈數龍門幽直慕瑤池龍門之山梧

之曲琴瑟所奏數壞也都故反言不慕榮貴所賦本然之性與前琵琶詩意相反蓋隨物賦詠也

詠池上梨花 王中書舊本不載王中書詩今添入

翻堦沒細草集水間踈萍芳春照流雪深夕映

繁星

和 劉中書

露庭晚翻積風閨夜入多縈藂似亂蝶拂燭狀

聯蛾

阻雪連句遙贈和

融集載同詠七人各賦絕句音韻相叶而不相犯意亦往來酬答題以聯

韻兩句宋齊間體也至唐則有人詠一

止載江革而復始合成長篇者舊本

入倡首謝眺殿後沈約二絕足成聯

謝眺

積雪皓陰池北風鳴細枝九達密如繡何異遠

別離本相密迹以

江革南史革字休學士弱冠舉南徐州

秀才歷官八府長

風庭舞流霰冰池結文漸霰東雨也詩相彼雨
也初結文遇飲春雖以燠欽賢紛若馳以孫弘文

王融

珠霽條間響玉雷閣下垂霽音英雪霽也王雷
杯酒不相接寸心良共知陶淵明詩未言

沈約

初昕逸翮舉日昊駑馬疲幽山有桂樹劉士安招

樹叢生兮山之幽歲暮空參差

木蘭詩舊注云不知名浙江西道觀察

也入

眉山蘇氏曰讀類世所傳蔡琰二詩其
詞明白感既頗類世所傳木蘭詩東
京無此格也建安七子猶含養圭角
不盡發見况伯喈女乎蓋後人擬作
而范曄荒淺遂載之本傳可以一笑
也按此詩直述無含蓄意又在悲慎
二詩之下然代父戍邊十二年人不
知其為女若木蘭者亦壯而庶矣使
載之列女傳緹縈曹娥將遜之蔡琰
當低頭愧汗不敢與比育矣杜牧有
題木蘭廟詩云彎弓征戰作男兒
裏曾經與畫眉幾度思歸還把酒拂
雲堆上祝明妃

促織何唧唧木蘭當戶織不聞機杼聲維聞女
歎息問女何所思問女何所憶女亦無所思女

亦無所憶昨夜見軍帖可汗大點兵軍書十二
卷卷卷有耶名耶以遮切今作爺俗呼父為爺阿耶無大兒木
蘭無長兄願為市鞍馬從此替耶征東市買駿
馬西市買鞍韉南市買轡頭北市買長鞭旦辭
耶孃去暮宿黃河邊不聞耶孃喚女聲但聞黃
河流水鳴濺濺旦辭黃河去暮宿黑山頭不聞
耶孃喚女聲但聞燕山胡騎聲啾啾萬里赴戎
機關山度若飛朔氣傳金柝寒光照鐵衣將軍
百戰死壯士十年歸歸來見天子天子坐明堂
策勲十二轉賞賜一作賜物百千強可汗唐時蕃夷稱天子為

天可汗問所欲木蘭不用尚書郎樂府作欲與木蘭賞不願尚書

郎願馳千里足送兒還故鄉耶孃聞女來出郭

相扶將阿姊聞妹來當戶理紅粧小第聞姊來

磨刀霍霍向豬羊開我東閣門坐我西間床脫

我戰時袍着我舊時裳當總理雲鬢挂鏡帖花

黃出門看火伴火伴皆驚忙同行十二年不知

木蘭是女郎雄兔脚撲握一作朔雌兔眼彌離夔

一作兔傍地走安一作馬能辨我是雄雌作詩者以兔為

戲詩誰知烏雌雄

古文苑卷第九



